



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj: 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU BIHAĆKE GRAĐANSKE ALTERNATIVE

Broj: 03-07-6-1122/12
Sarajevo, 19. oktobar 2012. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bihaćke građanske alternative za 2011. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled kako bismo dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Bihaćka građanska alternativa nije postupila u skladu sa odredbama člana 11. stav (3) Zakona o finansiranju političkih stranaka.**
Stranka je Centralnoj izbornoj komisiji Bosne i Hercegovine finansijski izvještaj podnijela nakon isteka zakonom propisanog roka. Uz finansijski izvještaj stranka nije dostavila godišnji obračun, čija je obaveza dostavljanja propisana članom 4. stav (2) Pravilnika o godišnjim finansijskim izvještajima političkih stranaka.
- 2. Bihaćka građanska alternativa u finansijskom izvještaju za 2011. godinu nije iskazala prihode, rashode i promet po žiro računu, niti bilo koji drugi podatak koji ukazuje na finansijske aktivnosti političke stranke.**

Pregledom, odnosno kontrolom finansijskog izvještaja, osim gornjih napomena nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bihaćke građanske alternative za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH” broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2011. godinu Bihaćka građanska alternativa nije iskazala nikakav prihod, što se vidi iz naredne tabele:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ukupni prihodi:	0,00	0,00%

Prema podacima iz godišnjeg finansijskog izvještaja, Bihaćka građanska alternativa u 2011. godini nije imala rashoda.

2. PREDSTAVLJANJE POLITIČKE STRANKE

Naziv političke stranke je Bihaćka građanska alternativa. Skraćeni naziv stranke je BGA. Stranka je registrovana 02.06.2003. godine kod Kantonalnog suda u Bihaću i u sudski registar upisana pod brojem: O-1/03.

Sjedište Bihaćke građanske alternative je u Bihaću, Kralja Tvrtka 4.

Lice ovlašteno za zastupanje stranke je Ilijas Midžić, predsjednik Glavnog odbora stranke.

Lice ovlašteno za podnošenje finansijskih izvještaja za 2011. godinu je također Ilijas Midžić.

Prema podacima iz godišnjeg finansijskog izvještaja, Bihaćka građanska alternativa nema organizacionih dijelova nižeg nivoa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bihaćke građanske alternative za 2011. godinu.

Cilj pregleda i kontrole je da revizor na bazi finansijskog izvještaja pokuša ustanoviti da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju, da bi mogao izraziti mišljenje o tome da li se stranka finansirala u skladu sa ovim Zakonom.

Obim pregleda i kontrole finansijskih izvještaja Bihaćke građanske alternative obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju, sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U periodu od 2006. do 2010. godine izvršeni su pregledi godišnjih finansijskih izvještaja Bihaćke građanske alternative, nakon kojih su izdati izvještaji sa nalazima revizije, mišljenjem revizora i preporukama da stranka treba postupati u skladu sa odredbom člana 11. stav (3) Zakona o finansiranju političkih stranaka, odnosno da finansijske izvještaje dostavlja u zakonom propisanom roku i u formi utvrđenoj Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

Bihaćka građanska alternativa je prekršila odredbu člana 11. stav (3) Zakona o finansiranju političkih stranaka.¹

- a) Godišnji finansijski izvještaj za 2011. godinu stranka je podnijela 04.07.2012. godine, odnosno nakon isteka roka koji je propisan Zakonom o finansiranju političkih stranaka.
- b) Uz finansijski izvještaj stranaka nije dostavila godišnji obračun ovjeren od nadležne institucije, odnosno završni račun za 2011. godinu ovjeren od strane Agencije za finansijske, informatičke i posredničke usluge – AFIP, iako je to bila obavezna u skladu sa članom 4. stav (2) Pravilnika o godišnjim finansijskim izvještajima političkih stranaka.

Uvidom u Izvještaj o transakcijskim računima iz Jedinog registra Centralne banke Bosne i Hercegovine, utvrđeno je da je račun Bihaćke građanske alternative blokiran 24.10.2006. godine, te prema tome stranka nije ostvarila nikakve finansijske transakcije. U finansijskom izvještaju za 2011. godinu nisu iskazani prihodi i rashodi, niti bilo koji drugi podatak, koji ukazuje na finansijske aktivnosti političke stranke.

¹ Političke stranke su obavezne da za svaku kalendarsku godinu podnesu finansijski izvještaj do 31.03. naredne godine u formi koju je odobrila Centralna izborna komisija Bosne i Hercegovine. Sadržaj i forma finansijskog izvještaja su propisani Pravilnikom o godišnjim finansijskim izvještajima političkih stranaka ("Službeni glasnik BiH" broj 61/06).

5.2. PREPORUKE

Preporučuje se Bihaćkoj građanskoj alternativi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje Centralnoj izbornoj komisiji Bosne i Hercegovine podnosi u skladu sa odredbom člana 11. stav (3) Zakona o finansiranju političkih stranaka, odnosno u zakonom propisanom roku i u formi propisanoj Pravilnikom o godišnjim finansijskim izvještajima političkih stranaka.*

Komentar

Bihaćka građanska alternativa se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2011. godinu koji joj je u skladu sa članom 85. Zakona o upravnom postupku („Službeni glasnik BiH“ broj: 29/02, 12/04, 88/07 i 93/09) dostavljen 01.10.2012. godine.

Mr. Hasida Gušić, šef Službe za reviziju - revizor